

## 3 Son Pas ηgimi Son ai sürü papimarandi

<sup>1</sup> Ro anihondumbo-rihindeimbi hifandiri-handeimb-anahi, wandi wandafi Gaius, sihambo pas nda sürü paparhandi. Sihambo anihondumbo ηgusüfo pararheanini. <sup>2</sup> O wandafi, sihambohündambo Godimbo didibafayahi. Sihafi ηgusüfo didiboadorihoeimb-ani, nga sihafi ranani moatükuni ra yahurai didiboado-ndihoayowa se aboedi mbimarifa sahehea ranahambo Godimbo hoafiyahühi didibafayahi. <sup>3</sup> Wandafi mamı, horombo bidifiri ai wambo sowahi tüküyafu hoafiyomondühi yahomoya, ‘Hapoana Gaius ai anihondü hohoanimo süngure arandi horombo rasüngumareandi nou,’ mehomo-ndamboyahi ranahambo afindi hihifi-hihifimayahi. <sup>4</sup> Wandi nimori ai anihondü hohoanimo süngurahi arihündi rani hoafi ra himborayahi ana, ro afindi safi hihifi-hihifiya arihandi.

*Gaius ai aboedi didiboadorihoei ratüpurıyu arandi*

<sup>5</sup> O wandafi, se wandafi mamıambo didiboadoro farıhawandüri arandi. Nga asu se wandafi mamı ndıfoambo amboa farıhawapurı arandi. <sup>6</sup> Nindou rotumbo tüküyahi-rihündeimbi-yafe himboahü hoafiyomondühi yahomoya, ‘Gaius ai yıhoefimbo ηgusüfo pareamunühi

mafarihemuni,' mehomo. Se ahamumbo nafi nginambo warı nginırowapurı arandı God ai refi arandı nou. Se rawarowandı ana, aboed-ane. <sup>7</sup> Ai Sisasımböhünda hoangomo arandı, nga nindou ai anıhondümbofe-koateyeımbı ahei-mayo nınımoatükunı moai sowandümo. <sup>8</sup> Nindou yahurai sıhırı fehefepurımoane asu rananımo sıhırı ai-babıdı Godındı anıhondü hoafı fandıhehuri-mboıyefı.

*Diotrefes ai hohoanımo moaruwai süngumareandı*

<sup>9</sup> Horombo ro Kraisındı nendı ranaheimbo pas sürü parıhe koamarıheheandı. Nga Diotrefes ai ahei bogorımbondahe nımoambo yahuhaya yıhoefı hoafı moai hımborıyu. <sup>10</sup> Ranımoane asu ro dıdı tükündaheandıhı ahandı ratüpurı ranahambo hoafında-handomboyahı. Ai yıhoefımo-hündambo moaruwai hoafı wataporıyu wakıre arandı. Ranı ratüpurı yangrııyopoanı, nga ai sapo wandafı mamımo hımbokaboako-marapurı. Nga nindou ai nindou ranahambo worınıfımo hohoanımondeianı, Diotrefes ai aheimbo yowanı yahu arandı, nga ngırı ro-babıdı rotundımo yahupurı arandı.

*Demitrius ai hohoanımo aboedı süngure arandı*

<sup>11</sup> O wandafı, se ngırı hohoanımo moaruwai süngundowandı. Nga hohoanımo aboedı süngundowandı. Nindou ai aboedı hohoanımo süngundeandanı ana, ai Godındı nımoranı. Nga nindou ai hohoanımo moaruwai

süŋgundeandani ana, ai Godimbo hoeifekoate-ani. <sup>12</sup> Munġu ai Demitriusimbo aboed-ani ase. Nga ra anihond-ane munġu ai fifirihindi. Ro-amboa ahambo anihondumbo hoafiyahühi aboed-ani asahi, nga wandi hoafi anihond-ane ra se fifirowandi.

*Bidifirana hoafi*

<sup>13</sup> Sihambo ro afindi hoafi hoafimbo samboanahi, nga pepafihü sürü pefembo moeisahi. <sup>14</sup> Awi habadandiri, nga se-dibo wataporimbohünda sihambo sowana sinimbo samboanahi. <sup>15</sup> Se ngusüfoambe afundo kundo hawa nimbafi. Wandafi mamü ai sihambo hihifarihünini. Yihoeffi wandafi mamimbo mamandandürühi hihifindandürü.

**Godindï Hoafi**  
**The New Testament in the Angor language of Papua**  
**New Guinea**  
**Nupela Testamen long tokples Angor long Niugini**

Copyright © 2001 The Bible Society of Papua New Guinea

Language: Angor

Contributor: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-01-07

---

PDF generated using Haiola and XeLaTeX on 11 Nov 2022 from source files dated 9 Oct 2020

c500d379-d0cf-5c22-9613-91d7bcc63af3